

## Xeerka iyo Xigmadda Shiribka! Q12AAD W/Q: Xasan (Shiribmaal)



**Xeerka iyo Xigmadda Shiribka! Q12AAD Halqabsiga Shiribka.** Waxaan weli ku guda jirnaa kala hufkii iyo kala haadinti qormooyinkii ku saabsana "**Xeerka iyo Xigmadda Shiribka**" ee taxanaha noo aheyd. Marka haddii ay noo dhamaatay tireyntii aanu ku wadnay Shiribka iyo farac yadiisa. Qeybtaan waxaan ku faaqidi doonnaa Shiribyada hir galay iyo laashimiintii lahaa inta la hubo aniga oo baaris dheeraad ah iyo xog ururin sameeyay. qeybtaan waxaan uga hadli doonnaa Shiribyadii taabagalay ee hanaqaaday noqdayna halqabsiga joogtada ah, inta badana bulshadu isla wada taqaan. Aan ku billaabo **Dr, Laashin Xuseen Sheekh Axmed Kadare (A.U.N.)** iyo shiribyaddiisa oo bulshadu inta badan adeegsato iyada oo aan aqoon laashinka hal-abuurkeeda lahaa ama lagu suntay laakin qof walba laashin ku qiyaaso, waxaa ka mid ah shiribyada hirgelay ee halqabsiga Laashin Kadare (AUN): **Halqabsiyadii Abwaan Kadare Dhulkoo dhan dadka wow dhexeys Dhiishaase ninba meel dhigtaa Dulucda Shiribka** Sidaan wax badan hore usoo qeexnay labada lugood ee shiribka ayaa xambaari kara in ka badan ujeedka iyo duluc boqol meeris oo gabay ah, bal aan qeexno labadan lugood wuxuu yiri Abwaanku: Dhulkoo dhan dadka wow dhaxays! Dhulka oo dhammi dadka waa ka dhaxeeya oo waa la wada leeyahay, marna aadminimaa lagu wadaagaa oo waa carra edeg oodhan waana tan manta bulshada dunidu ku wada degantahay, marna qaarad iyo qoobad ayaa lagu wadaagaa ilaa laga gaaro qoys. Dhiishaashe ninba meel dhigtaa! Tuducdan wuxuu ku qeexay iyadoo dhulka iyo dalka la wada leeyahay in qolo walba, beel walba, qoys walba ilaahay meel u gaar ah ku abuurey oo oolintoodu tahay, halkaasna lagu yaqaan. Adduunku waa Shan qaaradood iyo in ka badan 193 waddan, intaasaa haddana qowmiyado iyo qabiilo sii kala degan yihiin. **Seddex walxaato deel kutaal Seddex kaleey dantoo roggaa Dawacu neef dibbood ahoosoo dilayoow dantoo roggaa Doobkuna naag nin soo dirtee Dibirsadoow dantoo roggaa Daa'uud galmaax durraantayee Kala dafoow dantoo roggaa, Nikax Anna inaan ka daafacee Kala diraan dantoo roggaa, Dulucda Shiribka** Laashin Xuseen Kadare (A.U.N.) wuxuu ahaa nin dadka hoggaan u ah ama ku kala dhex jira gartana loo dhigto, marka ay dhabaqda xaajadu. haddaba Shiribkaan waxaa la yiri: wuxuu ku baxay waxaa Shiribka isu heystay oo tartar suugaaneed iyo baratan awood sheegasho dhinaca halmuceedka shiribk labada beeled ee Daa'uud iyo Galmaax oo good isu saarnaa, waxaana arrinkani taagnaa muddo dheer oo gaareysa ilaa muddo Toban sanno. Intaas waxaa socotey, xifaallo, halxiraale iyo googaaleysi labada beellood gole walba ku dhexmarayey, ugu dambeyntiina waxay garcadaada iyo guud caddaagu sheegeen in guusho ay Galmaax yoonis ku raacday gaar ahaan Beesha Celi Cumar, Daa'uudna sidaa looga guuleystay ayaa Laashin Kadare waxaa laga wacay Goob ka mid aheyd goobaha lagu loolansiinayay labadaa beel ee isla dhashay Laashin Kadare asigu dhinacna ma raacsaneyn waayo labada dhanba wuxuu u ahaa marjac ay u soo laabtaan ama meel leysula noqdo. Sidaa darteed dhankoow doono, iyo qoladdii shirib badisa ayuu xukunka siinayay maadaama meesha lagu kala baxayo, laguna kaftamayo Sidaas ayuuna u leeyahay ama ugu faanayaa inow ku kala dhex jiro: Dawacu neef dibbood ahoosoo dilayoow dantoo roggaa. Waa sax waayoo dawacadu ma dilato neef lala jiro ama ari qofkii lahaa ilaashanayo, sidaa aawgeed waxay raadsataa neefka aafta qaada ama kali socodka ah. Macnaha Dibbood ah, dibbood waa neefa xirraday ee aan lasoo hoyn! **Doobkuna naag nin soo dirtee dibirsadoow dantoo roggaa** Laashin Kadare wuxuu cabbirayaa mah-maahdii aheyd "**Doob dareen ayaa dila**" oo naag kasta ee uu arko isha ayuu la raacayaa asiga oo aan is dhihin yaa soo dirsaday? haddii aanu xitaa aqoonin ama nin kale qabo, oo ay xaastahay. Hammigiisu waa halloodsanyahay! **Daa'uud galmaax durraantayow Kala dafoow dantoo roggaa.** Wuxuu leeyahay daa'uud inow galmaax meel isugu yimid dhaco ayuu rabaa laakin uma suurta galeyso taas, oo aniga ayaan ka ogolaa doonin! Anna inaan ka daafacee Kala diraan dantoo roggaa. Wuxuu leeyahay maadaama

aan ani joogo labada dhinacna u dhaxeyo Daa'uud kama yeelayo inuu dhaco ama dhibo ama handado Galmaax oo anaa ka daafaca sidaas ayuuna si farshaxannimo ku jirto iyo kaftan waayeel ula baashaalayaa labadiisa garab!**Seddax walxaato ya' ku taalSeddax kaleeto yeeli meeWaxay ku yeeli diidanaSeddax kaleeto ya' ku taalYacquub Abgaal yaraan noqeeaan Yuusuf duubno yeeli maaWoxow ku yeeli diidana Yaboohsigoow hortii yiqiin Naagtaadi yaallin koo aheydAan naag yar yeesho yeeli meeWaxay ku yeeli diidanaaYuf lamma loo dhigey yaseeWadaadki ya' dhigoobana Yatiin waxeeda yeeli maaWoxow ku yeeli diidana Yowmol qiyaamadoow yaqaan! Dulucda Shiribka;**Haddaan si kooban u macneyno maadaama uu yahay shirib cad oo aan u baahneyn kala dhigdhiig iyo dhaad-dhaad wuxuu leeyahay Laashin Kadare labada lug ee isa saaran shiribkana ugu horreysa, **Yacquub Abgaal yaraan neqeeAan yuusuf doobno yeeli maaWoxow ku yeeli diidanaYabooh sigoow hortii yiqiin.**Immaamka iyo Ugaaska ayaa meesha wada jooga waxaana uu leeyahay immaamku yeeli maayo ugaaska ayaa kaa weyn oo lagaa hor marinaa madaama Immaamka iyo Ugaaska dhalasha ahaan imaamku weynyahay ama curadsanyahay sidaas ayuuna ku leeyahay Immaamkaa horreya, ee ugaasow Sug.Naagtaadi yaallin koo aheydAan naag yar yeesho yeeli meeWaxay ku yeeli diidana Yuf lamma loo dhigey yasee;Wuxuu leeyahay Laashin Kadare(A.U.N.) xaaska aad qabto ee guriga kuu joogta makaa aqbaleyso inaad xaas kale la guursato, maxaa yeelay maba aqbali karto, wax lala wadaagayo ama lala qeybsanayo, mana arki karto, oo waxay rabtaa in ay kaligeed lahaato wixii ku saabsan ninkeeda! Waa halkii mah-maahdu ka aheyd haweenku waxay necebyihiin:"**Nin wadaag ah iyo Nis wadaag ah**" Nis waxaa loola jeedaa Galaas ama koombo ama madaal, ama Jacaf laba qof ka dhaxeysaa ama kasii badan!Wadaadki ya' dhigoobanaYatiin waxeeda yeeli maaWoxow ku yeeli diidanaYowmol qiyaamadoow yaqaan.Haddaba laashin Kadare wuxuu leeyahay wadaadka diinta yaqaan kuna dhaqma xoolaha agoomeed cun kaama yeelayo, maxaa yeelay waxa uu ogyahay in Aakhiro la isu heysto oo aan leysu dhaafi doonin. Mah-maah ayaa dhaheysa qofka cuna xoola agoomeed wuxuu cunayaa dhuxula naareed!Haddaan dhacda kale iyo Shirib uu ka yiri: oo caana soo qaadanno. Waxaa la yiri: duqnimada Juffada Cabdulle galmaax, iyo midda guud ee Galmaax ee Xamar ayaa waxaa isku qabsaday Gacal Xaayow oo ahaa Abwaan Maxamed Gacal Xaayow aabbihis oo Galmaax Duq ka ahaa iyo Kadare Nabaddoon la dhashay oo la dhihi jiray Aw Muuse Macallin Axmed markii intaasu dhacday ayaa sida caadada ah waxaa laysugu tegay meelaha lagu shirbo dadkana lagu kala reebo, Dr Kadare oo howsha gar wadeen ka ahaa si loo kala saaro labada Nabaddoon ayaa waxaa uu yiri: Ciddii taagersan Gacal xaayoow ha ag fadhiistaan ama safkiisa ha ka soo Shirbaan, oo hasoo cammiraan agtiisa.Ciddi taageersan Aw Muuse Macallin Axmedna ha ag fadhiistaan oo safkiisa ha cammiraan, waxaa la yiri: dadkii intii badneyd waxay ag fadhiisteen Salfkii Aw Muuse Macalin Salfkii Nabaddoon Gacal Xaayowna Cidlo ayuu noqday waxaana loo aaneynaa ayaa la yiri: waxaa dhul isku qabsaday labada Juffo ee wada dhalatay ee kala ah Celi Cumar iyo Mantaan Cabdulle Dhulkana sida la sheegay waxaa lahaa Mantaan Cabdulle markii garti loo keenay Gacal Xaayoow oo ahaa nabaddoonka Galmaax ayaa waxaa uu yiri: Celi Cumarooow cirkaan idin siiyay. Mataan Cabulloow adinka dhulkaan idin siiyay. Nabaddoonku waxaa uu ogaa in dhulka Mantaan lahaa markiise hore. marka dadku intaa ayey uga caroodeen markii Shiribkii la guda galay ee la rabo in la shirbo ayaa waxaa la waayay wax ka qaada Salfkii Gacal Xaayoow shiribka Kadare oo markaas xukminaya cidda guuleysatay ayaa ku shirbay shiribkaan caanka ah oo yiri:**Ger-shuura shaaribkaa bileeU sheega sheybki waa dhecee,**Laashin Kadare wuxuu u sheegaya in laga guuleysatay Gacal Xaayow, halkaasna ugama harine waa ku sii naqsaday shiribki asigoo raba in Gacal Xaayoow ku qanco in laga guuleystay wuxuuna ku shirbay oo yiri:Shaf tuur leh shaatigaa qarsh ee Wax laga sheexo sheegi maa!Haddaan soo qaadanno Shirib kale oo caan ah waxaa la yiri: Kadare walaalkiis ka yar xagga da'da ayaa waxaa uu ka yimid baadiyaha asiga oo walaalkiis ka weyn kaalma ka doonanaya iyo soo dhaweyn. Markii lasoo dhaweyay salaanti iyo sooryadii walaalimana lagasoo gudbay ayaa Kadare walaalkii oo asaguna ahaa laashin Shiribka looga dambeeyo ayaa walaalkiis ka weyn kula kaftamay oo yiri:**Juuc qaajo waa jirroo kalee, Jeebkaaga mayga jeenane?! Kadare An weyga Jeeni weyn tehee, Jeebkayga xaad ka soo jeree?!** Walaalkii**Nin jirran jeenanaan laheynWoxow jeri jiraan jeraa!**  
Kadare**Is jilciyee jidkaasna qaad, Jamaaco saas ahaa jirtee!****Dulucda Shiribka;**Waa Kadare iyo waalkiis ka yar oo is weydaarsaday sheeko qurux badan, oo sidan u dhacday:**Juuc qaajo waa jirroo kalee, Jeebkaaga mayga jeenane?**Wuxuu yiri: gaajadu waa cudur halisa, ee jeebkaaga wax iga tar oo iga af qabo, ama iga jeenane wax dheef iga sii.Wuxuu ugu jawaabay:**An weyga Jeenya weyn tehee, Jeebkayga xaad ka soo jeree?**Waabad iga xoog weyn tahay, oo iga gacmo waaweyntahay, ee maxaa jeebkayga iyo waxaan haysto ku tusay.Kama harine wuxuu yiri :**Nin jirran jeenanaan la heyn, Woxow jeri jiraan jeraa.**Nin kaalmo u baahan oo xanuunsanayaa wuxuu dooni jiray baan doonayaa, sidaas awgeed baan wax kuu weydiistay,Wuxuuna ugu jawaabay:**Is jilciyee jidkaasna qaad, Jamaaco saas ahaa jirte.**Wuxuu yiri isagoo u deyrinaya welibana jikaaraya, way jiraan qolyo farsamadaa wax ku raadiya oo tuugsada ee intaad is jilciso isna debciso miskiinimo muujiso jidkaa raac cid wax ku siisa waayi mayside! Markii intaas leys dhaafsaday walaalkii Kadarena aanu usoo debceyn oo uu uga dhabeeyay ayaa walaalkii isaga tegay oo baadiyahiin uu ka yimid isaga laabtay Dr Kadarena waa aroos Cusub. Markii uu dhowr Sano ka maqnaay ayuu dib ugu soo laabatay walaalkii Kadare markii uu ka tegayana Ilma kuma ogeyn oo carruur malaheyn KadareMarkii uu yimid gurigiisa ee salaanti la iska qaaday ayaa walaalkii wuxuu ku yiri: Shiribkaan caanka noqday oo daba jooga key hore isu dhaafsadeen, wuxuuna yiri:**Qaarkiinu**

**qeyla malahaay Mase lamma qofaa tihii?**Wuxuu su'aalayaa wali ma labadiini ayaa tihii, Adigaya xaaskaaga mase ilma waa kuu dhasheen? oo kali nimadii waa ka baxdeen? Laashin Kadarena Shiribka Alle aya hiba u siiyay oo jawaabtii kuma daahine wuxuu ugu hal celiyay Shiribkaan, wuxuuna yiri:**Qeyr waana isiiyay qaadirkeyQabri ayeysa ku qubteen.**Wuxuu leeyahay laashin Kadare oo walaalkii ku af-gobaadsanaya, una sheegaya runta ayaa leh ilma wey noo dhasheen laakin dhammaan waa naga wada saqiireen. Halkaas ayaana la isku fahmay laguna heshiiyay Laashin Kadarena ku garwaaqsaday inuu walaalkii ka yar, ka gardarraa waxaa la sheegay xilligaa ka dib inaan canug kale kasii saqiirin. Asiga iyo walaalkiina aanay mar kale isku dhicin, lamase hubo!Haddaan ku soo geba-gebeyno Shirib kale oo ka mid ah shiribyadiisa caanka ah laashin Xuseen Kadare, wuxuu ku shirbay oo yiri:**Seddaxna seddax deel kutaalIn loo diraahu waa dilkood.Daffo waxay la haadday diinIn loo diraahu waa dilkiis.Darab ninki qabaa dukaalIn loo diraahu waa dilkiisDabbaal siyaasa dowladeedIn loo diraahu waa dilkiis!Dulucda Shiribka;** Laashin Kadare(A.U.N.) oo ka duulaya aqoonta uu u leehay dhaqanka iyo hiddaha Soomaaliyeed ayaa wuxuu leeyahay Shiribka koobaad:**Daffo waxay la haadday diin In loo diraahu waa dilkiis.**Waayo Diinku ama Diidiinku, marna haadda dafada la yiraa socod, orod, iyo awoodba kuma gaaryo macquulna maahan in la isku meetaal qaato ama Diidiin daffo la ag dhigo!Lugta labaad waxaa uu leeyahay laashin Kadare:**Darab ninki qabaa dukaalIn loo diraahu waa dilkiis,**Wuxuu ula jeedaa nin aan soo darban ama soo astajoon macnaha aan iska dhiqin kaadida iyo ilaaqda haddii lagu yiraa duko waa lagu dhibayaa ama waa lagu dambaajinayaa oo macquul maahan.Lugta seddaxaadna waxaa uu leeyahay laashin Kadare:**Dabbaal siyaasa dowladeedIn loo diraahu waa dilkiis.**Waa run waayo dabbaal ama nin aan aqoon maamul iyo maareyn agaasin iyo aqool arar iyo aqli hagaagsan laheyn siyaasad dowladeed meel uu kasoo maro ma yaqaanno waana taas midda laashin Kadare dadka uga digayo asigoo si qurux badan u cabbiray, iyo si loo wada fahmi karo: haddaba intaas ayaan kusoo afmeereynaa qormadeena maanta aan kusoo qaadanay Shiribyada caanka ah ee Laashin Xuseen Sheekh Axmed Kadare(A.U.N.)Ee la soco qeybta xigta oo aan kusoo qaadan doonno Laashin Faarax Seefeey(A.U.N.) iyo shiribyadiisii hir galay haddii Eebbe idmo!"W/Q: Xasan Cabdulle Calasoow (Shiribmaal)